

پازار ایرتسی فی ۲۸ ربیع الآخر سنه ۱۳۲۸ و فی ۲۶ نیسان سنه ۱۳۲۶

جمعیت اسلامیہ نیک ناشر افکاریدر

مدیر مسئول :
مکتب نواب معلملرندن
کلیسی منیر

سر محرر :
فاتح مجیز درسعاملرندن
توقاد مبعوثی
مصطفی صبری

صاحب امتیاز :
فاتح مجیز درسعاملرندن
استانبول مبعوثی
مصطفی عاصم

مندرجات

ادبیات	بجاء واحکام عدلیہ منزه روا ۱ کوچوک حمدی
بابادیہ ر ع عاطف	کورولان مؤاخذہ بی مدافعہ ۱
نوی غرام طاهر المولوی	محاکم شرعیہ وحکام شرع قانونی لایحہ سی
عالم اسلام	اسلامدہ علوم وفنون ع عاطف
چین مسلمانلری عبدالاحد داود	استبداد ، مال حسین حازم



نسخہ سی ۱ غروشددر

آبونه اجرتی (پوستہ اجرتیلہ برابردر)

ممالک اجنبیہ ایچون :
۶۰ ، ۲۰ فرانق
۳۰ ، ۶۰

استانبول ورلایات ایچون :
بر سنه لکی ۶۰ غروش
اثنی آیلنی ۳۰ »

درج اولنیمان اوراق اعاده ایدلمز

قارئلمنزه

اکثر مقالاته آیات کریمه واحادیث نبویه درج ایدلمش بولندینی نظر اعتبارده آلهرق رعایتسزلکده بولنلماہسی رجا اولنور .

درسعارت

محمد بک مطبعہ سنده طبع اولنشددر

خلافت اسلامیة کان زوار کرامی مابین قرن سندن
ماعدات ذوات ایله پیدای مناسبت ایتمکدن منع ایدردی .
یالکز عبدالحمیدک « تاطینات شاهانلری » مسافرن
فیخامی اعزاز ایچون وافی ایدی . چونکه دال قاور .
قیلیرنک بیانات اطراکارانه لرنجه عبدالحمید بتون مسلمینک
تمثال عرفان و تقوایی ایدی ! اداره سابقه نك شو حرکت
مستبدانه سندن الیزاده متأثر اولان صنف علما ایدی .

علمانی ، جهت جامعه محمدیه ؛ چار اقطار جهانده
بولان اخوان دینک احوال خصوصیه و محمله لرینه دائر
معلومات ایدیلرینه سائق بولاندیغدن بولای کندیلکندن
مرکز خلافتی زیارت ایدن زوار مسلمینه آغوش
مؤاخالتی آچه جقلری بر امر طیبی ایدی . افسوس که
مشار الهم حضراتی بر دورلو بو آرزوی صمیمیلرینه
موفق اوله میوردی . بو حالی مشاهده ایدن زوار کیم
بیایر نه کبی حسیات ایله متحسس اولدقلری حالده
ملکیتلرینه عودت ایدرلردی ! بزده مجاهدین امتک
همت بلندلریله استرداد اولان حریت سایه سنده ان شاء الله
فی مابعد مرکز خلافت اسلامیة منری زیارت ایدن اخوان
دیغز حقنده لازم کان مؤاخذات و مهمانوازی بی
ایشار ایدر و بو صورته روابط محمدیه نك تحکیمه ، وفق
اولورز .

خاطر لرده قاسه کر کدرکه (پکین) مفتیسی پایتخت مزده
کادکلرنده چین مسلمانلرنجه قرآن عظیمک اصول
قراءتی تعلمه احتیاج بولندیغنی عرض و بیان ایددرک
شیخ الاسلام اسبق جمال الدین افندینک زمان مشیختلرنده
مفتی مشار الیه حضرت تلبینه ترفیقاً ایکی عثمانلی حافظ چینه اعزام
ایدلشاردی .

تأیید روابط اسلامیة بر مقدمه تشکیل ایدن بو
ایلاک مناسبت بزم ایچون قیمتدار بر خاطره فاخره عد
ایدلمکه شایاندر .

چینه دین اسلامک بدایت دخولی و صورت انتشاری

حاصل ایدرسه نیم دل بیمارده خورشید جمالک اولیه
منجذب اولمشدر .

بنده هم آنک عشق اولدم بوتون ذرات ایله
زردن کمتر ایسه هم حدیجه عشقم یوقیدر ؟
زره ، کونشی سویبورم دییه بیایر سه بنده ناچیزانه
بوداده بولنورم . دعوا مده ، عجز می ، افتقار می ،
بیکیسلیک می ، درویش داریش اولدیغمی اشهاد ایدرم .
ای رؤف و رحیم اولان نبی کریم ! جرأت کستاخانه
اعتذاره یوز بر اقدایسه ده دیگر بر کستاخاق اولمق اوزره
خارستان طبیعتدن تنظیم ایلدیکم چور چوبده متی اولان
شونشیدنی خالک پای رسالتک تقدیم ایدیورمکه بوحال
فردوس برینه بر آوچ اوت کتیرمک قبیاندر .
بکا بودوات عظمی ، بوسعدت کبری کافیدرکه شبکه
سعادتک سده مبارک سه رومال نیاز اوله رق استدای
شفاعتده بولنیورم .
طاهر المولوی

عالم اسلامیت

چین مسلمانلری

[۱]

قال سید الانبیاء صلی الله علیه وسلم اطلبوا العلم ولو
بالصین

بر سنه اولیورکه چینک پایتختی اولان (پکین)
مفتیسینک حج شریف مناسبتیه درسعاتی زیارت ایتمن
وخاقان مخلوع ایله ملاقاتی وقوع بولمش ایدی . شایان
تأسف احوال دن درکه چین امپراطوریه صورت رسمیه ده
ملاقات ایدرک مظهر توجه حکمداریلری اولان بویه
بر ذات محترم ایله علمای کرامزدن هیچ بر فرد
کوروشه ممشدی . چونکه دور سابق حمیدینک ایجابات
سیاستی کره ارضک هر هانکی بر قطعه سندن مرکز

عین رسالۂ فیض اسالہ پیغمبری بی او معظم و محتشم چین
ایمپراطوری کال اجتفال و ادبلہ قبول ایدرک وضع هامہ
مباهات و شکران ایشیدی . بو نقطۂ دقیقہ حکمت
تاریخہ دقیقہ شناسانی ایلہ علم مقایسہ ادیان متخصصار بنک
بالخاصہ نظر عبرت لری جلب ایدرم . کسری و قیصر
آز بر زمان ظرفندہ جالس اولدقلری اورنک زری،
باشلرندہ کی اکلیل مرصعی خلفای محمدیہ ترک ایدرک کندیلری
فناہ کتدیلر ! فقط چین عنایت باری و دین محمدیہ
کوستردیکی توجه احترامکاری ایلہ الیوم درت یوزملیونی
متجاوز بر دولت فخریمہ اولدینی خالدہ محافظہ شان
و موجودیت ایشدر . ! کیم بیلیر ؟ بر کون کلیرد
توفیق سبحانی وسایہ فیض رسالتپناهی ایلہ انوار شعشعہ
اسلامیت بتون چینہ توسع و نفوذ ایدرک چین اہالیسنی
نصیبدار شرف اسلام ایدر . بو مستبعد دکل ، بسکہدہ
قریب الحصول در .

مسامات تاریخہ دندر کہ خطہ عربستاندہ نور تمدن و انسانیتک،
نیر تابان ہدایتک شعاع اولینی رونما اولدینی زماندہ
ایران آتشپرستلک اعتقاد سخیفندہ پویان ، آوروپاغشاوہ
جہالت و ضلالت آلتندہ نہان ایدی . فقط چیندہ ،
عین زماندہ محتشم [طعانغ] سلالہ ایمپراطوریہ سی
سایہ سندہ ترقیات مدنیہ ظہور ایتکہ باشلاشدی .

چین تاریخ وقایعک اک یارلاق اک محتشم دورینی
[طعای طصونغ] ک عہد سلطنتلری تشکیل ایتدیکی
ادعا اولنقدہ در . حقایق قرآنیہ و حکمیات اسلامیہ نک
حکمدار مذکور اوزرندہ اجرا ایتدیکی تأثیرات حسنہ
سایہ سندہ در کہ بو درجہ کلی بولشدی . حتی نماکتک
تاریخ وقایعندہ مشارالہ « ازہر جہت مکمل حکمدار »
دیہ تعریف و توصیف اولنشد : « نجابتدہ ، فتوحاتدہ ،
عدالتدہ ، تہذیب اذواقیاتدہ ، ادبانی استصجابدہ اشتہار
ایشیدی . » مابعدی وار

عبدالاحد داود

تاریخ اسلامک صحائف مشعشہ سنی اشغال ایدر . بیک دورلو
مزاحمہ ، حتی قتل عاملردہ معروض قالمقلہ برابرینہ بو
کونہ قدر اہالی اسلامک موجودیتلری محافظہ ہمردہ
مشعشع و متزاید بر صورتدہ محافظہ موفقیتلری شبہہ
سزدر کہ بو دین مبین الہینک بر معجزہ باہردہ ، برجت
ساطعہ سیدر .

محرر عاجز چینہ اسلامیتک کیفیت دخولی حقندہ کی
معلوماتی آنجق چین مسلمانلرینک تاریخ نویسلری
طرفندن قید و ضبط ایدیلان وثائقہ دسترس اولمقلہ ایدینہ
بیلدم . بردہ ، بو بابدہ لوندردنک (پرتش میوزم)
و (واتیقان) موزہ لرندہ مطالعہ کذار عاجزانہم اولدینی
اوزرہ وقتیلہ چیندہ نسطوری ہیئاتلرینک تعالیم و انتشار
مذہب نسطوری حقندہ سریانی قدیم اسانیلہ یازلمش
آثار و توارینخن دخیلی استفادہ ایتدم . بو اثرلرک بر جوق
یرلرندہ چیندہ کی مسلمانلر حقندہ اعطای معلومات ایدلمشدر
چیندہ مسیوزلک صفتیلہ خیل زمان بولنمش اولان
مستر (غلبر والس) ک راپورندن معلومات آتیہ بی اخذ
و اقتباس ایدرک انظار قارئینہ وضع ایدیورم :

« چینہ اسلامیتک تاریخ مبدأ دخولی عہد کزین
پیغمبریدہ واقع اولمشدر . چین مسلمانلرینک تاریخلری
افادہ ایتدیکی اوزرہ پیغمبر دیشان افندمن حضرتلری
اوز عموجہ سی یاخود دایسی اولان حضرت [وہاب ابن
ابی قبجہ] بی تاریخ ہجرتک آلتنجی سنہ سندہ ، تاریخ
میلادینک (۶۲۷) ی اثناسندہ معتلرینہ بعض اصحاب
دھا ترفیق ایدرک چین ایمپراطوری [طعای طصونغ]
زدینہ اعزام بیورمشلردی . ہیئت مرخصہ مسلمین
مدینہ منورہ دن حرکت ایدرک اوزمان چینک مقرر حکومتی
اولان [صغان] د ایندکلرندہ عظیم بر احترام و تشریفات
ایلہ حضور ایمپراطوریہ قبول ایدلمشلردی . »

شایان دقت در کہ کسرای ایران و بیزانس قیصری
نامہ ہایون حضرت رسول اللہی رد ایتدکاری بر زماندہ